



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. VIII. An Satisfiat legi, ponendo simul, vel Successivè partes materiæ
præceptæ?

[urn:nbn:de:hbz:466:1-73031](#)

giliæ: exemplum posterioris est in sacro debito ratione festi, & poenitentia injunctæ à Confessario, vel in obligatione festi, & voti, vel juramenti &c. Cum autem superior non semper diversas obligationes, licet sint de eodem specie actu, unius numeri actui affigat, non statim valet in hac materia argumentum à pari. Sit enim *casus*, quod incidat in *diem dominicum festum S. Andreae Apostoli*: hoc casu sunt duo præcepta numero distincta, auditio nem sacri eodem die præcipientia; quibus tamen juxta Thom. Sanchez cit. n. 7. & alios passim Doctores, possim auditione unius sacri satisfacere, ex benigna Matris Ecclesiæ mentis interpretatione. Sed ex hoc relato casu non valet argumentum ad duo præcepta hujus & alterius diei *de recitando matutino, & laudibus*, licet sub corundem obligatione sit idem specie actus præceptus, obligationis hodiernæ, & hesternæ.

442. Hoc argumentandi modo aliquando usus est Caramuel, ut videri potest apud Joannem de Cardenas in *Cris. Theol. t. 4. d. 34. c. 2.* Argumentum enim ejus erat: in occurrentia duorum præceptorum circa auditionem sacri, uno numericè sacro satisfit duobus præceptis: ergo unâ numericè recitatione matutini, atque laudum (v. g. si fiat hodie post 4. matutinum) satisfit hodiernæ, & crastinæ de recitando matutino, & laudibus; conseq. constat; quia unâ, eademque actione potest satis fieri duobus præceptis numero distinctis, eodem tempore concurrentibus, sed in casu dicto sic fit: ergo. Verum ad hoc respondeatur C. ant. N. conseq. ad probat. dist. maj. unâ actione potest satis fieri duobus præceptis non postulantibus distinctas actiones C. secus, N. maj. Similiter distinctâ min. N. conseq. quod præcepta recitandi hodie, & cras divinum officium postulent distinctas recitationes, ex intentione Legislatoris præcipientis recitationem officij *pro singulis diebus*, consequenter recitationem, distinctorum temporum, probat universalis coniuetudo totius Ecclesiæ; secus est de auditione sacri; nam præceptum audiendi Missam diebus dominicis, & festis nihil petit, ut fiat distinctis actionibus, aut diebus, sed tantum, ut fiat auditio sacri, quando est talis dies. Unde ipse Caramuel

el in editione 1657. fatetur argumentum à se factum non esse probabile. *Vid. Carden. l. 1. n. 4.*

§. VIII.

An Satisfiat legi, ponendo simul, vel Successive partes materiæ præceptæ?

Exemplum talis rei est auditio sacri; 443. hæc enim fit successivæ, & per partes: quo posito, duplex casus est, qui proponitur; primus, an huic præcepto (*scilicet audiendi sacrum*) satisfaciat, qui duas partes sacri audit successivæ à duobus sacerdotibus. 2. si utramque partem audiat simul? ut, si in uno altari fieret elevatio, quando in altero diceretur introitus, & Petrus istam Missam usque ad finem, illam usque ad elevationem audiret. Quod autem dicitur de hoc præcepto, idem dicendum est de omnibus alijs habentibus materiam dividuam.

In primo casu affirmativam, ut probabilem, & in conscientia tutam docuit Vienaæ Austriae in Universitate publica Anno 1665. P. Henricus Herdinck vir æquè pius, ac doctus in M. S. d. 2. de legib. Q. 5. idque ex Coninck de sacr. q. 83. a. 7. d. un. n. 287. qui rationem dat; quia, cum Ecclesia sciat, hanc suam legem ita à gravibus Doctoribus explicari, hoc ipso, quod permittat eorum explicationes publicè imprimi, & doceri, censetur dictum præceptum juxta eos moderari.

Secundum casum probabilem censet 445. Mollesius in Sum. tom. 1. tr. 3. c. 17. n. 37. in fine. Causam dat, quia Ecclesia non præcipit, ut Missa audiatur ab uno Sacerdote. Ordo etiam successivus non est de præcepto saltem gravi, paritate accepta ab horis Canonici, in quibus, sine transgressione gravi, potest quis inverttere ordinem horarum. Coninch cit. n. 288. idem docet his verbis: hæc praxis parum decens est, minusque religiosa; ideoque non usurpanda sine rationabili causa. Quare eum, qui omnino sponte veniret serius ad primam partem sacri, cum intentione audiendi partem sequentis, credo peccatum venialiter. Eandem probabilem censet Diana p. 10. t. 17. resol. 3. Leander à SS. Sacr. tr. 2. D. 1. q. 65. Q. 6. Dicastro tom. 1. de Sacr. tr. 5. de Sacrif. Miss. D. 5. d. 3.

d. 3. n. 40. Sed notandum, hæc à dictis Doctoribus tradita esse ante 2. Martij, Anni 1679. quo ab Innocentio XI. Summo Pontifice, inter propositiones damnatas, tanquam scandalosas, & doceri prohibitas, prout jacent, ordine 53. est hæc: *satisfacit præcepto Ecclesie de audiendo sacro, qui duas ejus partes, in quatuor simul, à diversis celebrantibus audit.* Unde post hoc decretum in materia hujus &c. plures quæstiones particulares fieri possunt, in sequentibus resolvendæ, ut pleniùs constet de natura legum. Quare

446. Dubitatio est 1. an opinio docens, satisfieri successiva auditione duarum partium ex duplice Missa, incidat in 53. propositionem damnatam ab Innocentio XI. seu, an hæc propositio: *qui serò venit ad sacram* (v. g. primo ad pulsū pro consecratione) *satisfacit præcepto, audiens ex secundo sacro partem neglectam,* incidat in dictam propositionem damnatam? Responsio est negativa; ita Cardenas p. 3. Cris. Theol. diss. 32. c. 6. n. 50. Cuius ratio est, quia damnatio dictæ propositionis 53. solum loquitur de *simultanea audizione* duarum, aut plurium partium Missæ; hæc autem propositio, de qua queritur, loquitur de *successiva audizione* duarum medietatum Missæ: ergo hæc nullo modo, formaliter, incidit in illam, *prout jacet.*

447. Dices: licet propositio in num. priori, non sit *formaliter*, & exp̄sè damnata; est tamen damnata *virtualiter*; probatur; quia illa opinio, vel propositio, *damnata una*, manet damnata virtualiter, seu in vi hujus, quæ est incompossibilis cum ea damnata; sed hoc habet ea opinio, seu propositio; ergo. Min. prob. Nam ex illa, tanquam antecedenti, infertur damnata; si enim in hoc argumento (*non satis præcepto simultanea audizione duarum medietatum Missæ; ergo nec audizione successiva*) negetur conseq. & assumatur pro antecedenti hoc contradictorium consequentis: *præcepto Ecclesie satisfit audizione successiva duarum medietatum Missæ;* arguaturque ad contradictorium antecedentis, recte infertur damnata: ergo *præcepto Ecclesie satisfit audizione simultanea duarum medietatum Missæ.* Nam hic argumentandi modus certò valet: ergo.

448. Sed Resp. N. ant. ad hujus prob. Resp.
Tom. I.

transf. ma. si loquatur de opinione *evidenter incompossibili* cum damnata; non autem secūs; ratio hujus est ex dictis: sic distinctā min. N. conseq. Similiter ad prob. min. Resp. eam procedere, si propositio controversa, tanquam antecedens, per evidenter illationem, inferat damnatam; non autem secūs. Quare, ut hoc fiat, intendō illo argumentandi modo, dicendum: *tunc ex contradictorio consequentis evidenter concludi ad contradicitorum antecedentis, quando primum antecedens, ad cuius contradicitorum arguitur, evidenter infert suum consequens;* sed hoc in praesenti non contingit. Nam hoc antecedens: *non satisfacit præcepto simultanea audizione duarum medietatum Missæ;* nullā ratione evidenti infert hoc conseqens: *ergo nec satisfacit successiva audizione.* Hujus autem ratio est; quia ratio antecedentis non est communis consequenti. Ideo enim audizione simultanea non satisfit, quia præceptum audiendi Missam est de objecto successivo (nimurum auditionem Missæ successivè præstanto) ex natura talis objecti; consequenter auditio præcepta est *audito successiva*, nimurum partis post partem; quo, quia caret auditio *simultanea*, antecedens illud evadit falsum, consequenter non inferens falsitatem consequentis, in quo asseritur auditio successiva.

Hiac notandum, eti verum sit, legitime argui à contradictorio consequentis, si negetur, ad contradicitorum antecedentis, quod concedi ponitur, si, quod pro antecedenti ponitur, sit *verè antecedens*, hoc est, connexum cum consequenti ex medio communi utrique, ac respectu utriusque necessarij. Nam si tali casu negetur consequentia, eo ipso etiam negari debet connexionis antecedentis (quia sublatō terminō connexionis, tollitur vel formaliter, vel consequenter connexionis) ergo ut à contradictorio consequentis ad contradicitorum antecedentis valeat argumentum, non satis est, ponit aliquam propositionem consequentis non illativam aut cum eo non connexam; sed oppositum requiritur; id, quod in praesenti casu non contingit ex medio necessario, & communi, ut ostenditum est.

Hinc P. Suarez de Eucharistia. d. 88. 450,
sect. 2. ait, opinionem, quæ affirmat, licet
tam sacri auditionem successivam, propter
autho-

authoritatem Doctorum, non posse practicè condemnari (intellige donec alia lege certa, quæ in præsens non est, reprobatur) & ideo ibidem expressè dicit: *illum, qui ex dicta sententia operabitur, non peccatum mortaliter;* & Cardinalis de Lugo d. 22. de Eucharist. n. 8. eam sententiam admittit tanquam *probabilem extrinsecè.* Ratio autem hujus sententiae est; quia opinio afferens satisficeri præcepto successiva auditio duarum medietatum Missæ, non habet contra se principium certum, cum quo componi non possit, & habet pro se rationes valde congruas, quæ consideratis omnibus, in executione inseparabilibus, citra notam temeritatis, aut imprudentiæ sufficient ad afferendam eam satisfactionem; consequenter exerceri potest sine peccato; ergo manet practicè probabilis. Prima præs constat ex n. 448. & constabit amplius à n. 455. secunda patet tum ex præsumptione de tantis Doctoribus, qui eam tradiderunt, utique ad hoc afferendū ex talibus motivis, quæ citra notam imprudentiæ illum eorum assensum mercantur; tum etiam inspectis rationibus, quibus ipsi procedunt in afferentis illius probatione, quæ reverā nullo contrario certo infringuntur. Tertia vero pars constat ex confessione contrariorum, qui licet hanc opinionem non te-neant, tamen practicè probabilem censem.

451. Dices. Opinio *tenuiter* probabilis, non est *practicè* probabilis; sed opinio de successiva auditione est *tenuiter* probabilis: ergo, maj. prob. ut propositio sit *practicè* probabilis, necessè est, quod licet, & absque peccato formalí possit deduci ad præxim; seu, quod, dum eam opinionem sequimur in praxi, censemur *prudenter operari*; sed hoc non fit, cum sequimur opinionem solùm *tenuiter* probabilem; hoc constat ex damnatione tertiae propositionis in decreto Innoc. XI. contentæ, ubi damnatur hæc: *generatim, dum de probabilitate, sive intrinseca, sive extrinseca quantumvis tenui (modo à probabilitatis finibus non exceatur) confisi aliquid agimus, semper prudenter agimus;* min. primi Syllogismi etiam probatur; quia illa opinio est *tenuiter* probabilis, de cuius probabilitate dubitant non pauci Viri docti; sed de probabilitate hujus opinionis dubitant nō pau-

ti Viri docti. Nam 1. Suarez cit. c. 5. ait: propter rationes contra illam opinionem à se, & alijs allatas, *sibi semper suspectam esse visam illam doctrinam, videreque se, illam, nonnullis Theologis, ac Jurisperitis, displace;* & Azor p. 1. Inst. moral. l. 7. c. 3. q. 3. ait: mihi sanè illa sententia magis arrideret, *si aliquā firmā ratione, aut argumentō niteretur.* Et ob has rationes Cardenas cit. n. 61. ait: si solùm attendamus principia intrinseca illius propositionis, non est *practicè* probabilem; secùs, si extrinseca, & Authoritatem. Porro majorem primam probat Cardenas *dissert.* 4. c. 5. quia opinio *dubia probabilitatis*, non est *practicè* probabilis, quā diu talis manet; sed opinio *tenuiter* probabilis, est opinio *dubia probabilitatis*; ergo opinio *tenuiter* probabilis, non est *practicè* probabilis; sed opinio, de cuius probabilitate dubitant non pauci Viri docti, est *dubia probabilitatis*; ergo etiam est *tenuiter* probabilis.

Sed Resp. ad argumentum, *transf. maj.* 451^o N. min. ad hujus prob. Resp. dist. maj. illa opinio, *in se, & absolutè*, est *tenuiter* probabilis, de cuius probabilitate practica dubitant non pauci Viri docti, N. maj. est *tenuiter* probabilis *respectivè, & quoad illos*, qui sic dubitant, *transf. maj. dist. pariter* min. sed de probabilitate *intrinseca* opinionis, de qua n. 444. dubitant non pauci Viri docti, *transf.* de illius probabilitate *extrinseca*, N. min. ex n. 450. ergo illa opinio, de qua n. 444. est *tenuiter* probabilis *solùm respectivè ad illos*, qui sic dubitant, *transf. in se, & absolutè*, N. conseq. Et quoniam etiam illorum dubitatio non est de probabilitate illius opinionis *extrinseca*, sed solùm *intrinseca*, ut constat ex n. priori, ad summum, vi transmissorum, sequitur illam opinionem quoad probabilitatem *intrinsecam*, esse *tenuiter* probabilem, non *absolutè*; sed solùm *respectivè*. Ad prob. maj. resp. illam propositionem: *opinio dubia probabilitatis, non est practicè probabilis*, posse multos habere sensus, nec omnes veros. Nam si idem sonat *opinio dubia probabilitatis*, ac ista: *opinio, de cuius probabilitate dubitant non pauci Viri docti*, ex dictis constat, sic indefinite prolatam, esse falsam, quia opinio, de qua in præsens agimus, etiam secundum Suarez, & Cardin. de

Lugo,

Lugo, est practicè probabilis, extrinsecè, ut constat ex n. 450. imò & secundum Patrem de Cardenas in n. 446. & tamen de illius probabilitate *intrinseca* ipsi dubitant. Secundò, si ly *opinio dubiae probabilitatis* idem significet, ac opinio *non paucis dubitabilis* quoad gravitatem fundamenti, ac licitum usum in praxi, evincit solùm *relatè ad illos sic dubitantes*, non esse practicè probabilem; non autem *in se, & absolutè*. Certissimum enim est, multis etiam Viris doctis, opiniones suas videri firmissimas; & oppositas illis omnino falsas: & tamen sèpè fit, quòd hæ in se, & absolutè; imò & respectivè ad alios àequè doctos, habeantur veræ, ac solidæ.

453. Quarè not. 1. in moralibus, per *opinionem probabilem intelligi talem, qua in re, & questione incerta prudenter approbat ut verum, actionem aliquam posse, vel non posse fieri citra formalem culpam conscientia; &, si etiam consideratis omnibus circumstantijs, in executione talis actus inseparabilibus, idem prudenter affirmet, dici probabilem practicè*. Not. 2. ex ipso de Cardenas cit. c. 3. à n. 15. terminum *probabile*, sic sumptum, ut mox dictum est, additione hujus: *tenuiter*, non tam diminui, quam alienari, & distrahi à proprio suo significato, quod in vera acceptance ly *probabile*, prout significat fundamentum grave, ac dignum, quo quis nixus, non temere, nec imprudenter procedit in asserendo aliiquid esse, vel non esse licitum in praxi, importat. Rationem dat, quia *tenuitas* probabilitatis denotat *levitatè fundamenti*, atque adeò importat *carentiam gravis fundamenti*, cuius oppositum sonat ly *probabile*. Hoc autem sensu, sumendò *tenuiter probabile*, omnino concedo, non esse practicè probabile; quia revera nemo potest in re, concernente peccatum, prudenter sequi judicium, quo procedit ex fundamento *tenui*, hoc est, *absolutè levè*, præsertim cùm in contrarium stat fundamento *grave*, nimirum suadens in his circumstantijs, non licere ex tali fundamento ad executionem procedere: an autem opinio, de cuius probabilitate *intrinseca* dubitant non pauci Viri docti, ex hoc ipso, prudenter dici possit *tenuiter probabilis*, hoc est, destituta, & carens omni fundamento gravi, quando eam tenent a-

lij àequè docti, ac publicè professi etiam typo, præmissâque approbatione legitimâ, mihi quidem videtur non rectè dici, præsertim, quando etiam ipsi contrarij judicant illam, propter eam docentum authoritatem, esse practicè probabilem, at id contingit in præsenti, ut constat ex n. 450. ergo. Hinc ad summum tunc concedi posset, *opinionem aliquam ex hoc, quòd de illius probabilitate dubitent non pauci Viri docti, esse tenuiter probabilem*. 1. quando dubitant de probabilitate illius tam extrinseca, quam intrinseca. 2. quando probabilitas, seu fundamenta intrinseca, quibus à suis Patronis propugnatur, redundunt per contrariorum rationes vel certò falsa, aut absolutè levia, seu non digna, quibus Vir doctus citra notam imprudenter, aut temeritatis, præbeat assensum; id, quod in nostro casu non contingit.

Sed ulterius urget P. Cardenas, qui censet, opinionem (quæ docet, satis fieri præcepto audiendæ Missæ, successivè audiendo duas, vel plures ejus partes) non esse ab intrinseco probabilem, desumens primum argumentum ex P. Suarez d. 88. de *Euchar. sect. 2.* quia præceptum audiendi Missam, exigit audiri *unam Missam totam*: sed illæ duæ medietates non constituant *unam Missam*; cùm revera non sint *unum sacrificium*; ergo non impletur præceptum audiendò, etiam successivè illas duæ medietates. Alterum argumentum affert P. Jacobus Illsing in *Theol. pr. tr. 5. d. 2. n. 161.* diversorum sacrificiorum partes, singulæ ad singula sacrificia tanquam ad fines suos particulates, ac individuales, per intentionem ministri ita determinatè ordinatae sunt, ut nequeant in unum sacrificium coalescere, sicut nequeunt partes diversorum officiorum, canonorum, diversis diebus affixorum, coalescere in unum officium canonicum pro eadem die recitandum. Tertium argumentum sumitur à paritate de auditione *simultanea*, ad *successivam*, de quo, ubi & alijs, quibus Cardenas à finibus practicè probabilitatis *intrinseca* excludit opinionē, de qua in præsenti, jam retulimus, & solvimus à n. 452.

Resp. opinionem, quæ negat satisficeri 455: præcepto Ecclesiæ, per duas medietates Missæ, diversorum sacrificiorum, etiam *successivè* auditas, esse ac censi ab alijs

etiamnum probabilem; & à multis oppositā probabiliōrem, sed non esse certam. Probabilem censem complures relati apud P. Illsung cit. n. 161. oppositā probabiliōrem Fagundez, Suarez, & alij: sed non certam; tum, quia complures sententiam affirmantem, ut probabilem defendunt, ut Layman l. 4. tr. 5. c. 3. n. 4. Tannerus, Navar. Bonacin. & complures alij apud eundem cit. n. 161. relati; tum, quia rationes, quibus utuntur Patroni sententia negantis, hanc nullatenus certam reddunt. Nam ad 1. Resp. C. ma. N. min. ad ejus prob. Resp. cum dist. illae duæ medietates Missæ, successivè auditæ à diversis sacrificantibus, non sunt unum sacrificium quoad effectum sacrificandi, transf. quoad effectum audiendi Missam, N. Dixi. 1. transeat non esse unum sacrificium quoad effectum sacrificandi; nam in re non subficit; si enim Sacerdos post consecratum panem, repente moreretur, & alius reliqua perageret, quoad effectum sacrificandi foret unum sacrificium, cùm utraque pars ad eundem finem hujus sacrificij tendat.

456. Dixi 2. negandò, non esse unum sacrificium quoad effectum audiendi Missam. Nam cùm contrarij dicunt, requiri unum sacrificium, vel volunt. 1. unum unitate celebrantis? vel 2. unum unitate ordinis partium Missæ ad invicem? vel 3. unum integratæ, seu integrum, cui scilicet nulla pars substantialis, vel etiam integralis desit? si hoc postremum? certum est illas medietates facere sacrificium, seu Missam, cni nulla pars desit, ut ponit casus, adeoque unum integratæ; si dicunt primum? id sanè certum non est; & probabilissimè negatur, ut constat ex instantia num. priori: Si autem velint secundum? pariter non certum, sed solum probabile est, sic exigunt unum. Deinde, vel per unitatem ordinis intelligunt eam, quæ est ex institutione; vel quæ est ex intentione sacrificantis? sed profectò alterutrum requiri, rationes illorum non demonstrant; ergo. Deinde, licet concedam, sacrificantem obligari, ut, cùm sacrificat, servet ordinem, quem ex institutione habet ordo sacrificandi; sed hunc etiam ordinem esse graviter præceptum audienti, probabiliter quidem dicitur; sed ratione certà non evincitur. Nec aliud evincit paritas, quam aliqui desumunt ab unitate officij divini.

Ad 2. in n. 454. Resp. cum dist. diuersorum sacrificiorum partes, ab intentione ministri sic determinatè ordinatae sunt, ut nequeant in unum sacrificium coalescere, si loquatur de unitate sacrificij desumpta ab unitate celebrantis, vel ejus intentione, transf. si de unitate integratæ Missæ, N. si enim velint, esse sub præcepto unitatem consurgentem ex partibus Missæ unius celebrantis, vel intentionis ejus, eoipso dicunt esse præceptum, quod est in questione, an sit præceptum? unitatem autem integratæ habeti in dato casu, ex dictis constat: nec aliam intendi plus, quam probabiliter, evincunt Negantium argumenta. Id quod in eodem argumento num. 454. desumitur à partibus diuersorum officiorum Canonorum, patitur easdem solutiones. Vix enim probavit pars adversa, certum esse, non satisficeri obligationi persolvendi horas Canonicas ab eo, qui putans cras esse festum, hodie de illo recitat matutinum, & laudes; & cras advertens errorem, reliqua orat de feria illa occurrente.

Dubitatio altera est, an satisfiat legi, vel præcepto, simul tempore ponendo ejus materiam dividuam, divisibiliter præceptam? Dupliciter fieri potest, totum aliquod, constantis partibus dividuis, divisibiliter præceptis, esse debitum lege. 1. si totum, quod natura suâ, institutione, vel juris dispositione, aut etiam legis intentione, non sit successivum; 2. si sit successivum ita, ut alias non retineat denominationem, sub qua per legem, quæ ejus positionem directè intendit, præcipitur; quo posito: Resp. satisficeri præcepto, per simultaneam positionem partium materia dividuæ, divisibiliter præceptæ, si totum divisibiliter præceptum non sit successivum natura suâ, juris dispositione, aut legis intentione. Ratio primi est, quia præcepto satisfit positione totius rei præceptæ quoad substantiam, & modum intrinsecum; at ponendò simul partes materiae divisibilis divisibiliter præceptæ, quando non est successiva uno ex predictis modis, ponitur tota res præcepta, quoad substantiam, & modum ejus intrinsecum; quia supponitur idem ponit simul, quod poneretur successivè, nisi quod omittatur modus successiva positionis, quæ, ut ponit casus, non est de ratione totius præcepti, aut lege debita; er-

- go. Ratio secundi est, quia, quando totum, quod ponitur sub lege, est natura sua, vel legis dispositione, aut ex intentione legis successivum, modus successivæ positionis est intrinsecus rei præceptæ; ergo nisi successivè ponatur materia illa dividua, non ponitur materia illa dividua, non ponitur materia præcepta, secundum quod subsit legi, vel præcepto; at sic non satisfit legi, aut præcepto; ergo. Quoad secundam partem (quod satis faciat præcepto, simul tempore ponens plures partes materiæ dividuae, v. g. simul plures partes Missæ à pluribus sacerdotibus celebrantibus) probabile censuit Mofesius, & alij, ut constat ex dictis à n. 445. Sed hodie post Constitutionem Innocentij XI. de qua superius n. 445. ea opinio sustineri non potest. Nam ex propositione 53. inibi damnata, certum est, quod sit scandalosa opinio dicens, *satisficeri præcepto Ecclesiæ, de audiendo sacro, per eum, qui duas ejus partes, immo quatuor simul, à diversis celebrantibus audit;* ergo.
459. Dices cum Diana, p. 10. tract. 15. resol. 3. licitum est audire simul duas Missas, simul concurrentes in altaribus conjunctis, licet una debita sit præcepto, altera voto; at sicut se habet totum ad totum, ita se habet pars ad partem; ergo sicut satisfit obligationi, audiendō simul duas missas secundum se totas; ita satisfit audiendō simul duas partes missæ. Respond. data majori dist. min. sicut se habet totum ad totum, ita se habet *pars illius totius, ad partem hujus totius, trans. ejusdem totius, neg.* min. & conseq. Alias enim, ut recte notat Cardenas *dissert.* 32. c. 5. a. 1. n. 40. valeret hoc argumentū in casu quo *Transumptum* (imago v. g. perfectè simile est suo exemplari: sicut se habet *transumptum ad exemplar*, ita se habet *par transumpti*, consequenter valeret subsumere: sed *caput transumpti est rotundum*; ergo et am. nasus, vel pes ejus est rotundus &c. quod male dicitur.
- §. IX.
- An prolatione sententiae Principis constituta legem pro similibus?*
460. A Nte resolut. not. 1. per sententiam hic intelligi mentem, ac voluntatem Principis, sive Ecclesiastici, sive Laici, quā vel declarat, vel constituit, aut definit, quid in hac, vel illa materia, hoc, vel illo casu agendum, vel omittendum sit? Not. 2. dupliciter fieri posse, quod Princeps aliquis dicat, proferatque sententiam in certa materia, vel casu; 1. solū declarandō legem à se, vel anteforibus suis latam. 2. decidendō questionem litigiosam, quod sit, quando pronuntiat super ea secundum leges vel à se, aut Prædecessoribus; vel à iure divino, & naturali statutas. Not. 3. sententiam merè declarativam legis antē conditæ, extendi solū ad præterita, ut notat Layman in c. *quoniam*, de constitutionibus, in 6. quia, *qui jus preciè declarat, nihil de novo condit*; sed quod antē possum est, denuntiat; argum. L. *Heredes palam*, 21. Q. si quid ff. de *Testament*. ubi generatim dicitur: *qui declarat, nihil tunc dat, sed datum significat*. Et ideo Doctores communiter dicunt: magis obligat lex antiqua declarata, quam nova declarans. Ex hoc sequitur, ex prolatione sententiae merè declarative, a Principe data, non induci novam legem; sed solū effici, ut lex illa declarata, obliget secundum sensum à Principe expressum. Nam per ejusmodi declarationē manifestatur mens, & intentio Legislatoris, à qua pendet vis obligandi, quam importat lex.
- 461.
- Potissima quæstio est, an sententia litis, aut litigiosæ quæstionis decisiva, in certo casu, materiâ, vel causâ, etiam pro similibus decidendis constituat legem, quando data est cum causæ cognitione? Communis opinio Doctorum ex utroque iure sequitur affirmativam cum Felin. in *Rubric. de Rescript. n. 1. Jafone in L. 1. ff. de confit. princip. & L. 1. ff. de Ferijs*, à n. 23. &c. fundantur potissimum in L. ult. C. de legib., ubi sententia, inter partes data, cum cognitione causæ, pro lege habenda dicitur: negativam tamen sequitur Covarr. 4. *decret. p. 1. c. 7. Q. 4. n. 15. 1.* quia sententia decisiva, in quantum talis, non respicit directè bonum commune, sed bonum speciale aliquorum, quorum causa in ea liceat, secundum jus prævalent. 2. quia lex præcipiens versatur circa futura, decisio litis solū declarat jus præexistens inter partes. 3. quia lex est juris constitutio, non declaratio; decisio autem secùs. 4. quia L. 2. C. de legib. ait Imperator, *quod ex relationibus, vel suggestionibus*